

নন-টেক বিভাগ

নন-টেক বিভাগ বিভাগের সংক্ষিপ্ত শ্লোগান "মানবিক-কলা-বিজ্ঞান ও প্রযুক্তি

দক্ষতা অর্জনে সোনার বাংলার সমৃদ্ধি। ”

বিভাগের সংক্ষিপ্ত পরিচিতি : কারিগরি শিক্ষা ব্যবস্থায় পলিটেকনিক ইনস্টিটিউটে ডিপ্লোমা ইন ইঞ্জিনিয়ারিং শিক্ষাক্রমের বিভিন্ন টেকনোলজিতে ছাত্র-ছাত্রীরা অধ্যয়ন করে থাকে। প্রকৌশল জ্ঞান লাভ করার পাশাপাশি তাদেরকে বিশেষ কিছু বিষয়ে, যেমন: বাংলা, ইংরেজি, গণিত, পদার্থ, রসায়ন, হিসাব বিজ্ঞান, বিজনেস অর্গানাইজেশন এন্ড কমিউনিকেশন, ইন্ডাস্ট্রিয়াল ম্যানেজমেন্ট, অর্থনীতি, সামাজিক বিজ্ঞান, এন্টারপ্রিনিওরশীপ পড়ানো হয়। এসব সাধারণ বিষয় পড়ানোর জন্য নন-টেক বিভাগ নামে প্রত্যেক পলিটেকনিক ইনস্টিটিউটে একটি বিভাগ চালু রয়েছে। বাংলা, ইংরেজি শিক্ষার মাধ্যমে শিক্ষার্থীদের ভাষা জ্ঞান সমৃদ্ধ হয়। পদার্থ, রসায়ন ও গণিত অধ্যয়ন ব্যতীত প্রযুক্তি জ্ঞান অর্জন সম্ভব নয়। অর্থনীতি ও সামাজিক বিজ্ঞান পাঠদানের মাধ্যমে দেশের ইতিহাস, ঐতিহ্য, সংস্কৃতি, মুক্তিযুদ্ধ ও স্বাধীনতা, আর্থ-সামাজিক অবস্থা বিষয়ে জ্ঞান লাভ করে। ব্যবস্থাপনা পাঠদানের মাধ্যমে শ্রমিক, শিল্প- কারখানা ও অফিস ব্যবস্থাপনা সম্পর্কে সম্যক ধারণা অর্জন করে। এন্টারপ্রিনিওরশীপ পাঠদানে উদ্যোক্তা, আত্মনির্ভরশীল এবং স্বনির্ভর কর্মসংস্থান অর্জনে সহায়ক ভূমিকা পালন করে। নন-টেক বিভাগের শিক্ষকগণ ইনস্টিটিউটের শিক্ষার্থীদের তাত্ত্বিক, ব্যবহারিক ক্লাস গ্রহণ ছাড়াও অন্যান্য দাপ্তরিক প্রশাসনিক ও সহশিক্ষা কার্যক্রমে গুরুত্বপূর্ণ ভূমিকা পালন করে থাকে। উল্লেখ্য যে, নন-টেক বিভাগের সকল টেকনোলজির সকল পর্ব, শিফট ও গ্রুপে ক্লাস রয়েছে। সে দিক থেকে বিবেচনা করলে ইনস্টিটিউটের সকল ছাত্র-ছাত্রীদের সাথেই নন-টেক বিভাগের একটি ঘনিষ্ঠ সম্পর্ক রয়েছে।

বর্তমানে নন-টেক বিভাগে দক্ষ, যোগ্য ও উচ্চ শিক্ষিত ২৩ জন শিক্ষক এবং ৬ জন কর্মচারী রয়েছে।

ল্যাবরেটরি বিবরণ : ৩টি অত্যাধুনিক যন্ত্রপাতি সমৃদ্ধ ল্যাব রয়েছে। ল্যাবসমূহ হলো:

১. পদার্থ
২. রসায়ন
৩. গণিত

সাফল্য : নন-টেক বিভাগের বিষয়গুলো পাঠদানের মাধ্যমে একজন দক্ষ, মানবিক যুগোপযোগী প্রযুক্তিবিদ হিসেবে গড়ে তোলার ক্ষেত্রে বিশেষ ভূমিকা পালন করে।

সহশিক্ষা কার্যক্রম : ফিজিক্যাল এডুকেশন এন্ড লাইফ স্কিল ডেভেলপমেন্ট, রোভার স্কাউট, বিভিন্ন খেলাধুলা, সাংস্কৃতিক কর্মকাণ্ড, বিতর্ক প্রতিযোগিতাসহ সকল প্রকার কো-কারিকুলাম একটিভিটিস এর সাথে জড়িত।



ফিজিক্স ল্যাবে কর্মরত শিক্ষক ও শিক্ষার্থীবৃন্দ



কেমিস্ট্রি ল্যাবে কর্মরত শিক্ষক ও শিক্ষার্থীবৃন্দ